

Folget.

Denn alle mein Heil vnd
Thun ist / das nichts wechset.

Ich wil sagen / ich bin auch ein König
vnd Herr / fur allen Königen von Gott
geordnet. Dabe viel Kriege gefurt / gros
glück / sieg vnd heil gehabt / durch Gottes
hülffe vnd wunderthat / Auch viel gethan
im Regiment / wol regirt / das Reich wol an-
gericht vnd gestellet / das recht gehand habt /
Drüber auch viel erlidden / Aber solch mein
Reich / viel mehr aller Könige auff erden
Reich / gegen dieser Herrschafft meines Sons
Messia / des JVA Israel / ist nichts / denn
ein dürrer zweig / der nie kein mal gewachsen
oder gegrünet / zu rechen ist / Denn ich / vnd
kein König / hat den sieg wider den Tod /
Sünde / Helle / Teuffel vnd Welt erobert /
So hat auch vnser keiner das gethan in sei-
nem regiment / das er die leute gerecht /
Gottfürchtig vnd ewig selig machte. Wir
sind arme / dürfftige / dürre Herrn in vnserm
regiment / Aber mein Son Messia der JVA
Israel / das ist der man / Der hat den Sieg
vber Sünde / Tod / Teuffel / Helle / Welt /
vnd alles erhalten / Der hat ein Regiment /
Das heisset ein regiment / darinnen er das thut

X ij vnd

1573